



NOTIFICACIÓN

Polo presente poño no seu coñecemento que a Xunta de Goberno Local, en sesión celebrada o día 21/09/2020, co *quorum* regulamentario, adoptou, entre outros, o acordo que de seguido se transcribe literalmente:

10.a) Convocatoria de subvencións municipais.- A Xunta de Goberno coñece da seguinte proposta que formula a Alcaldía con data 17/09/2020:

“Como xa ven sendo habitual neste Concello, e co fin de contribuír a financiar as actividades culturais, e deportivas que se celebran no mesmo, este concello ven convocando todos os anos unha liña de subvencións en concorrencia co fin de subvencionar estas actividades.

Ao mesmo tempo e para facilitar a igualdade de oportunidades ante o ensino, e poder facer efectivo o dereito de todos á educación; tamén se ven proponendo dende este concello a concesión de axudas para transporte e material escolar.

A tal fin, e dado que se está a traballar co orzamento prorrogado do ano 2018, no que xa se viñan contemplando estas liñas de axudas con carácter repetitivo dun exercicio para o seguinte, existe no orzamento deste exercicio o crédito para tal finalidade. Agora ben, cómpre ter en conta a modificación aprobada na sesión plenaria celebrada o día 6 de agosto, actualmente xa en vigor, e que supón unha alteración nos importe e conceptos a subvencionar dentro da liña de subvencións para entidades sen fin de lucro.

Así as cousas, tendo en conta a situación excepcional que actualmente estamos a vivir provocada polo COVID 19, tratando de manter un ritmo de actividade o máis normal posible, sempre e cando se respecten as medidas de prevención a ter en conta en beneficio de todos os/as veciños/as,

Dada a dispoñibilidade actual de tal crédito, e considerando esta Alcaldía a importancia que para un concello pequeno como o noso ten a colaboración municipal no desenvolvemento deste tipo de actividades, xa que na maior parte dos casos atopámonos con entidades asociativas que fan un grande esforzo por manter a súa actividade e ser punto de encontro de xóvenes e non tan xóvenes do concello. Toda vez que favorecer o acceso ao ensino de todos os nosos veciñas en idade escolar contribúe tamén á súa formación actual e futura, posibilitando o acceso e continuidade nos estudos a quen careza de medios económicos suficientes para elo.

Por todo isto, e dado que as bases que van rexer estas convocatorias xa foron aprobadas en exercicios anteriores, estando pois en vigor (por canto que forman parte das Bases de Execución do orzamento 2018, prorrogado ao exercicio 2020), salvo a modificación aplicada en virtude do acordo plenario do día 6 de agosto de 2020 que se aprobou e entrou en vigor neste exercicio; faise necesario que, en cumprimento do disposto nas bases de execución do orzamento, os servizos económicos emitan un informe en canto ao crédito de que se podía dispoñer para iniciar un ano máis a convocatoria destas subvencións,

Tendo en conta o informe sobre a dispoñibilidade de crédito existente nas partidas correspondentes emitido pola intervención municipal, esta Alcaldía, en uso das atribucións que ten conferidas, e de acordo co contido das Bases reguladoras deste concello a aplicar para este expediente, considerou que podía levarse a cabo o seguinte reparto:

Subvención	Denominación	<i>Axudas para o transporte universitario/FP</i>
	Crédito dispoñible	2.000,00€
	Partida de imputación	326 480.03

Subvención	Denominación	<i>Axudas para a adquisición de libros de texto e material didáctico complementario para o presente curso académico</i>
	Crédito dispoñible	4.000,00€
	Partida de imputación	326 480.03

Subvención	Denominación	<i>Subvención municipais para gasto corrente a entidades sen fin de lucro (actividades culturais e deportivas)</i>
	Crédito dispoñible	7.000,00€ (cultura); 4.000,00€ (deportes)
	Partida de imputación	334 480.04; 341 480.07

Subvención	Denominación	<i>Subvención municipais para investimento a entidades sen fin de lucro (actividades culturais)</i>
	Crédito dispoñible	6.000,00€ (cultura)
	Partida de imputación	334 780.00

Tendo en conta que nas bases de execución do orzamento establécese que o procedemento para a concesión de subvencións iníciase de oficio mediante acordo de aprobación da convocatoria e do gasto, adoptado pola Xunta de Goberno Local, previa fiscalización da existencia de crédito adecuado e suficiente pola Intervención, ordenando o inicio dos trámites do procedemento de concesión.

Considerando o disposto no informe de intervención respecto ás axudas para favorecer a prevención e a integración social de persoas e familias, xa que neste caso as propias bases veñen a establecer que a convocatoria xa se entende aberta dende o 2 de xaneiro ata o 30 de decembro de cada ano natural; sendo en todo caso necesario levar a cabo a súa publicidade. E tendo en conta que o crédito existente para a dita finalidade foi



incrementado como consecuencia do programa POS + Adicional 1/2020 na contía de 22.811,36€, de xeito tal que con esta nova publicidade, e unha vez xerada a subvención da Deputación Provincial, estase a cumprir o preceptuado no artigo 58 do Real decreto 887/2006, polo que se aproba o Regulamento da Lei 38/2003, Xeral de Subvencións.

E dado que actualmente o orzamento en vigor é o orzamento prorrogado do exercicio anterior, no que nos anexos ás bases de execución figuran, entre outros, as bases reguladoras das subvencións ou axudas que seguidamente se relacionan,

E tendo en conta a necesidade de publicar a convocatoria na BDNS, xa que do contrario podería darse lugar á anulabilidade da propia convocatoria,

Esta Alcaldía PROPÓN á Xunta de Goberno Local o seguinte:

1.- Que se aprrobe o inicio da convocatoria para a concesión de subvencións a entidades para realizar as actividades que se inclúen no cadro anterior, considerando tamén os importes propostos, ordenando así a publicación das convocatorias e bases reguladoras correspondentes as seguintes subvencións municipais:

- a) BASES REGULADORAS DA CONCESIÓN DE SUBVENCÍONS MUNICIPAIS A ENTIDADES SEN FIN DE LUCRO (anexo IV das Bases de Execución do orzamento).
- b) BASES REGULADORAS DA CONCESIÓN DE Ó TRANSPORTE UNIVERSITARIO/FP (anexo V das Bases de Execución do orzamento).
- c) BASES CONVOCATORIA DE AXUDAS PARA Á ADQUISICIÓN DE LIBROS DE TEXTO E MATERIAL DIDÁCTICO COMPLEMENTARIO PARA O PRESENTE CURSO ACADEMICO (anexo VI das Bases de Execución do orzamento).

2.- Que se proceda a publicación da convocatoria e bases reguladoras correspondente a seguinte subvención municipal:

- a) BASES REGULADORAS DO PROGRAMA MUNICIPAL DE SUBVENCÍONS PARA FAVORECER A PREVENCIÓN E A INTEGRACIÓN SOCIAL DAS PERSOAS E FAMILIAS (anexo VII das Bases de Execución do orzamento).

3.- Que se remitan á BDNS os datos necesarios para que se leve tamén a cabo a publicidade desta convocatoria na dita base de datos, a fin de que se así se poida iniciar a tramitación deste procedemento coa presentación das solicitudes por parte das entidades interesadas, en relación ás subvencións mencionadas no apartado 1. Unha vez a BDNS remita esta convocatoria ao boletín correspondente (neste caso ao BOP da provincia da Coruña) e o BOP publique a mesma, comezará a contar o prazo previsto nas bases para a presentación de solicitudes, e que é de vinte días naturais contados a partires do día seguinte ao da publicación do anuncio desta convocatoria no BOP.

4.- Que se leve tamén a cabo a publicación do anuncio desta convocatoria na páxina web do concello, unha vez sexa publicado no BOP, a fin de darlle máis difusión a esta convocatoria.

5.- Que se siga o procedemento previsto nas bases reguladoras da concesión de subvencións en concorrencia, e que figuran nos anexos IV, V e VI das Bases de Execución do Orzamento 2018 prorrogado ao exercicio 2020, tendo en conta a modificación aprobada na sesión plenaria celebrada o día 6 de agosto de 2020, e xa actualmente en vigor. ”

A Xunta de Goberno por unanimidade acorda aprobar a anterior proposta, quedando



*Concello de Neda
(A Coruña)*

convertida en acordo nos termos nos que se deixa transcrita.



Neda, 22/09/2020.
O Secretario Xeral.

Asdo.: Alejandro R. Antelo Martínez.

**Servizos económicos do Concello.
Neda.**

ANEXO VII: BASES REGULADORAS DO PROGRAMA MUNICIPAL DE SUBVENCIÓNS PARA FAVORECER A PREVENCIÓN E A INTEGRACIÓN SOCIAL DAS PERSOAS E FAMILIAS

I) OBXECTO DA CONVOCATORIA:

O Obxecto das presentes bases é regular o programa de subvencións económicas, por parte do Concello, destinadas ás persoas e/ou familias do termo municipal de Neda que se atopen en situación de necesidade económica e/ou social tendo por finalidade última a mellora da calidade de vida.

II) DEFINICIÓN DO PROGRAMA:

1.- Son axudas económicas de pagamento único. Teñen carácter finalista e son incompatibles con calquera outra prestación pública que lle puidese corresponder ao beneficiario/a para a mesma finalidade

A estes efectos, e de conformidade co disposto no artigo 14.1.d) da Lei Xeral de Subvencións, unha das obrigas do beneficiario/a é comunicar ao Concello a obtención doutras subvencións, axudas, ingresos ou recursos que financien as actividades subvencionadas.

Esta comunicación deberase efectuar tan pronto como se coñeza, e en todo caso, con anterioridade a xustificación da aplicación dada os fondos percibidos.

Non obstante poden ser complementarias, nos casos nos que se considere oportuno, en virtude da gravidade da situación socioeconómica e familiar reflectida no informe social.

Existen varias modalidades de subvencións económicas diferenciadas segundo a finalidade das mesmas, a saber:

- Subvencións económicas destinadas á prevención, inserción e apoio ás familias.
 - Subvencións económicas destinadas ao pago de Taxas Municipais (auga, saneamento e lixo) e precios públicos.
- Nunha mesma solicitude, poderase presentar as dúas tipoloxías distintas de subvencións

III) PUBLICIDADE DA CONVOCATORIA E PRAZO DE SOLICITUDES:

As bases reguladoras da presente convocatoria se inclúen como anexo VII, das bases de execución do orzamento do Concello de Neda, se entenderán vixentes con carácter permanente en tanto o este orzamento anual do Concello e non sexan obxecto de modificación, e sempre que exista dotación orzamentaria axeitada e suficiente.

Se lles dará publicidade as mesmas mediante anuncios no taboleiro de edictos do Concello e na páxina web do Concello. A convocatoria enténdese aberta dende o 2 de xaneiro, ata o 30 de decembro de cada ano natural.

IV) CONDICIONS XERAIS DE ACCESO AO PROGRAMA:

- Ser maior de idade ou menor legalmente emancipado.
- Estar empadroad/a no Concello de Neda e con residencia efectiva no mesmo cunha antigüidade mínima de 6 meses inmediatamente consecutivos á data da solicitude.
- Non ter sido beneficiario/a de axudas ao abeiro desta mesma convocatoria no decurso do mesmo exercicio económico ou doutras convocatorias de organismos supramunicipais para o mesmo concepto, agás circunstancias de especial gravidade que se valorarán e recollidos no apartado II 2. a) das presentes bases.
- Non ser, o/a solicitante ou calquera membro da unidade familiar, propietarios/as e/ou usufructuarios/as de bens inmobles, mobles o semovientes que, polas súas características, valoración, posibilidade de venda ou calquera forma de explotación, indiquen de xeito notorio a existencia de medios materiais suficientes para atender ao gasto obxecto da solicitude, agás a propiedade referente á vivenda destinada vivenda habitual.
- Non estar incurso/a nas prohibicións para obter a condición de beneficiario/a sinaladas no art. 13 da Lei xeral de subvencións (BOE. nº 276 de 18/11/2003), a excepción do punto 13.2e), do mesmo artigo.
- Cumprir cos requisitos económicos que se estipulan en cada unha das modalidades de subvencións recollidas nesta bases.
- Cumprir as condicións específicas de acceso de cada unha das modalidades de subvención recollidas nesta bases.

O Órgano Colexiado poderá valorar con carácter excepcional a aquelas solicitudes que, non cumprindo algún dos requisitos ou condicións esixidas nas bases, presenten, ao seu xuízo, circunstancias persoais, familiares ou socioeconómicas de especial gravidade que lle fagan precisar o beneficio regulado nas presentes bases, previo informe favorábel do departamento de servizos sociais.

V) LUGAR DE PRESENTACIÓN DE SOLICITUDES:

As solicitudes deberán presentarse no Rexistro Xeral de entrada do Concello de Neda, ou ben por calquera forma das recollidas no artigo 16 da Lei 39/2015 de 1 de outubro de Procedemento Administrativo Común.

VI) DOCUMENTACIÓN A APORTAR:

A solicitude deberá cursarse debidamente cumprimentada e asinada polo/a solicitante no impreso oficial (que figura no anexo I das presentes bases) e adxuntar con ela a documentación debida. As fotocopias deberán presentarse compulsadas e a compulsada poderase realizar no rexistro xeral do Concello de Neda.

Documentación que deberá acompañar a solicitude:

- Fotocopia do DNI.
- Fotocopia do libro familia e/o título de familia numerosa, no seu caso.
- Fotocopia da sentenza de separación ou divorcio ou convenio regulador, no seu caso.
- Fotocopia da última Declaración da Renda ou, no caso de non ter obriga de presentala, certificado negativo da Administración de Facenda cos datos fiscais de todos/as os/as convivintes maiores de 18 anos, ou declaración xurada no mesmo senso e cos mesmos requisitos.
- Xustificantes económicos de todos/as os/as membros/as da unidade de convivencia maiores de 18 anos e referidos ao período computable: nóminas, contratos de traballo, recibos de pensións, certificados de vida laboral, certificados do Inem, etc.
- Declaración xurada de ingresos irregulares no modelo que se achega xunto ó modelo de solicitude.
- Certificado/s das contas bancarias que se posúan por tódolos membros da unidade familiar e referidos ó saldo existente a 31 de decembro do exercicio anterior, así como movementos bancarios de todas as ditas contas nos seis meses anteriores a solicitude.
- Certificado do servizo ou recurso para o que se solicite a subvención.
- Orzamentos do gasto que se solicita.
- Declaración responsable de non estar incurso/a nas prohibicións para obter a condición de beneficiario/a sinaladas no art. 13 da lei xeral de subvencións (BOE. nº 276 de 18/11/2003), (modelo anexo).
- Declaración xurada de non ter solicitado nin percibido ningunha axuda que cubra os mesmos conceptos para os que se solicita a subvención.

Aquela/s solicitude/s na/s que se observen a falla de documentación necesaria para a súa valoración, será requirida por escrito ao interesado/a para que, no prazo máximo de 10 días dende a recepción da comunicación, presente a documentación solicitada indicándosele que, de non presentala, se lle terá por desistida a súa solicitude, previa resolución que deba ser dictada nos termos previstos na Lei 39/2015 de 1 de outubro.

Documentación solicitada de oficio polo Departamento de Servizos Sociais ao Concello:

- Certificado Municipal de I.V.T.M. de todos os membros da unidade familia maiores de 18 anos.
- Certificado de existencia ou non de débedas co Concello de todos/as os/as membros da unidade familia maiores de 18 anos.
- Volante de empadramento e convivencia con indicación do tempo de residencia no Concello de Neda.
- No caso de contradicción nos datos sobre propiedades, situación económica e nivel de vida, solicitarase informe de signos externos de riqueza.

VII) ORZAMENTO DESTINADO AO PROGRAMA:

A consignación orzamentaria para este programa será a contida na aplicación orzamentaria 231.48000.

VIII) PROCEDIMIENTO DE VALORACIÓN, RESOLUCIÓN E RECLAMACIÓN DE SOLICITUDES:

A) Valoración das solicitudes:

A instructora do programa que regula as presentes bases é a traballadora social do departamento de Servizos Sociais Municipais.

A demanda formularase en entrevista coa traballadora social. Dentro desta fase de instrucción realizarase unha prefase de avaliación na que se verificará o cumprimento das condicións establecidas nas presentes bases para obter a condición de beneficiario/a. Desta pre-avaliación, a instructora elaborará un informe preceptivo no que se fará constar que, segundo información que obra no seu poder, as/os solicitantes cumpren ou non cumpren os requisitos para ser beneficiarios/as da subvención.

A instructora, á vista do expediente, formulará proposta de Resolución.

A proposta de resolución remitirase por parte do órgano instructor para que resolva a concesión da subvención, a Xunta de Goberno Local na súa calidade de órgano competente para que resolva a concesión da subvención

B) Resolución das solicitudes

A aprobación da proposta de resolución por parte da Xunta de Goberno Local, en canto resolve o procedemento de concesión da subvención, é definitiva na vía administrativa, será motivada debendo quedar acreditados no procedemento os fundamentos e deberá conter o/a solicitante ou a relación de solicitantes os/as que se concede a subvención, constando de forma expresa a desestimación do resto de solicitudes.

D) Prazo para resolver e efectos do silencio.

O prazo máximo para resolver e notificar a resolución do procedemento non poderá exceder máis de tres meses dende a data de presentación da solicitude no Rexistro de Entrada do Concello, ou a través de calesqueira outras formas de presentación previstas no artigo 16 da Lei 39/2015 de Procedemento Administrativo Común.

O transcurso do prazo máximo sen que se notifique a resolución do procedemento os/as interesados/as, lexitima a estos/as a entender desestimada por silencio administrativo a solicitude de concesión da subvención conforme o artigo 24 da Lei 39/2015.

Nos casos que se consideren de urxente necesidade (alimentación e vivenda), para acelerar a xestión das axudas, resolveranse por decreto de alcaldía sen a convocatoria do órgano colexiado para proceder, así, de forma automática ao seu pagamento

Será prioritaria a resolución favorábel das axudas destinadas á cobertura das necesidades básicas, entendidas como tales as que van destinadas a cubrir gastos derivados de alimentación, vivenda e outros de acordo cos criterios técnicos do equipo de servizos sociais.

A concesión das axudas estará sempre supeditada á existencia de consignación orzamentaria, por tanto poderanse desestimar por este motivo as peticións que cumpran inicialmente todos os requisitos pero que non se consideren prioritarias.

IX) PAGAMENTO DAS SUBVENCÍONS:

O pagamento das subvencións realizarase na conta bancaria indicada polo/as beneficiarios/as no momento da solicitude.

O pago das subvencións abonarase na conta bancaria do/a beneficiario/a unha vez aporte, no prazo máximo de 2 meses dende que recibe a notificación de concesión, as facturas xustificativas por importe igual ou superior, segundo corresponda, á contía concedida ou ao orzamento subvencionado.

X) XUSTIFICACIÓN DAS SUBVENCÍONS.

Forma de xustificación.

O/A beneficiario/a presentará a conta xustificativa da subvención no modelo de impreso recollido no Anexo II que deberá acompañar cos xustificantes correspondentes.

Todos os documentos acreditativos dos gastos da actividade subvencionada deberán corresponder ao ano natural en curso.

Os gastos xustificaranse con facturas conforme o Regulamento polo que se regulan as obrigas de facturación.

Neste caso concreto, existen subvencións que son outorgadas en atención a concorrencia dunha determinada situación de necesidade no/a perceptor/a, e non requirirán outra xustificación que a acreditación por calquera medio admitido en dereito de dita situación previamente a concesión.

XI) CAUSAS DE REINTEGRO.

Procederase ao reintegro das cantidades percibidas en concepto de subvención xunto cos intereses de demora dende o momento do pago, nos supostos de invalidez da concesión da subvención previstos no artigo 36 da Lei de Subvencións e nos seguintes:

- Incumprimento da obriga no prazo establecido
- Obtención da subvención sen reunir os requisitos establecidos.
- Incumprimento da finalidade para a que a subvención foi outorgada.
- Negativa por parte do/a beneficiario/a ás actuacións de control establecidas por parte do Concello para comprobar o cumprimento da finalidade da subvención.

As cantidades a percibir polos reintegros terán a categoría de ingresos de dereito público, resultando de aplicación tanto os intereses de demora como o procedemento de cobro pola vía de apremio, con independencia das responsabilidades que tiveran lugar.

Cando o importe xustificado polo/a interesado/a, con motivo da rendición da conta xustificativa de gastos, sexa inferior á cantidade concedida, o Concello poderá minorar o importe da subvención esixindo, no seu caso, o reintegro das cantidades indebidamente percibidas.

XII) MODALIDADES DE SUBVENCÍONS:

Subvencións destinadas á prevención, inserción e apoio ás familias.

1.-Finalidade das subvencións:

A finalidade é a concesión de axudas económicas a aquelas persoas e/ou familias en situación económica e/ou social desfavorábel e que se destinarán á cobertura das necesidades básicas e/ou de urxente necesidade.

2.-Tipoloxía das axudas e contías máximas subvencionábeis:

A táboa de máximos subvencionábeis corresponde á contía máxima sobre a que se aplicará a porcentaxe de subvención correspondente para cada solicitude segundo os ingresos dos que dispoña e atendendo ás táboas de ingresos máximos.

No caso en que a subvención solicitada sexa de contía inferior á recollida nesta táboa, aplicarase a porcentaxe de subvención sobre a contía do presuposto aportado.

En cada solicitude so poderán ser subvencionados 2 conceptos dos sinalados a continuación, sen incluír o abono das taxas e precios públicos municipais:

<i>TIPOLOXIA DAS AXUDAS</i>	<i>CONTIA MAXIMA A SUBVENCIONAR</i>
<i>Necesidades primarias: alimentación e outras básicas. Limite por persoa</i>	<i>50 euros por persoa e mes.</i>
<i>Mobiliario, Electrodomésticos de 1ª necesidade e equipamento básico para a vivenda.</i>	<i>400 euros</i>
<i>Habitabilidade da vivenda: pequenas reparacións domésticas.</i>	<i>600 euros</i>
<i>Pago de alugueiros e outros gastos da vivenda</i>	<i>800 euros</i>
<i>Pago sesións fisioterapia</i>	<i>200 euros</i>
<i>Pago sesión de podoloxía, máximo 4 o ano</i>	<i>100 euros</i>
<i>Outras non recollidas na presente tipoloxía, a xustificar.</i>	<i>500 euros</i>
<i>Pago taxas e precios públicos municipais</i>	<i>Cuantía vixente</i>
<i>Transporte dentro del Concello</i>	<i>Importe do desplazamento</i>

O pago do transporte dentro do Concello, consistirá en o pago directo a un taxista de dous viaxes como máximo ó mes, dende o domicilio habitual. Un para a merca de alimentos de primeira necesidade e outro para asistir ó centro de saúde. En caso de enfermidades crónicas a valorar dende os servizos sociais deste Concello, os viaxes ó centro de saúde poderán ter unha frecuencia superior.

Como axudas específicas de apoio as familias en especias dificultades, nos casos

3.1-Requisitos de acceso específicos a esta modalidade de subvención:

A maiores do cumprimento do apartado IV) das presentes bases reguladoras que trata sobre as condicións xerais de acceso a este programa municipal, para solicitar esta modalidade de subvención, os/as solicitantes deberán cumprimentar os seguintes requisitos:

- a) Non dispoñer de mais dun vehículo (de catro rodas) na unidade familiar calquera que sexa o seu titular.
- b) Que exista a necesidade obxectiva e real do solicitado, xustificada documentalmente.
- c) Que o/a cabeza de familia en situación de desemprego e todos os membros da unidade familiar maiores de 18 anos e non incapacitados sexan dados/a de alta no Inem como demandantes de emprego.
- d) Que se cumpran todos os requisitos económicos recollidos no apartado seguinte.
- e) No caso específico de axuda ó transporte dentro do Concello, os beneficiarios serán persoas maiores de 65 anos ou menores con minusvalía igual o superior ó 65%, que carezcan de vehículo propio propio ou que téndoo estén imposibilitados para a conducción.

No caso das axudas de fisioterapia:

É necesaria prescripción facultativa que acredite a necesidade do servizo.

4.-Requisitos económicos a cumprir para acceso a esta modalidade de subvención:

a) Táboa de ingresos máximos:

A contía das subvencións establecerase en función do cómputo dos ingresos de cada un dos membros da unidade familiar de convivencia, do número de membros da mesma e da tipoloxía das axudas solicitadas.

Límite de ingresos económicos familiares	Tramos de ingresos	Porcentaxe da subvención en función da contía máxima a subvencionar
120 % do IPREM, cando a unidade familiar conste dun membro	Inferior ou igual ao 50 % do IPREM.	100 %
	Maior do 50 e até ao 65 % do IPREM.	85 %
	Maior do 65 e até ao 80 % do IPREM.	75 %
	Maior do 80 e até ao 95 % do IPREM.	65 %
	Maior do 95 e até ao 120 % do IPREM.	50 %
140 % do IPREM, cando a unidade familiar conste de dous membros	Inferior ou igual ao 75 % do IPREM.	100 %
	Maior do 75 e até ao 90 % do IPREM.	85 %
	Maior do 90 e até ao 105 % do IPREM.	75 %
	Maior do 105 e até ao 120 % do IPREM.	65 %
	Maior do 120 e até ao 140 % do IPREM.	50 %
Até ao 170 % do IPREM vixente, se a unidade familiar esta constituída por tres o mais membros	Inferior ou igual ao 100 % do IPREM.	100 %
	Maior do 100 e até ao 120 % do IPREM.	85 %
	Maior do 120 e até ao 140 % do IPREM.	75 %
	Maior do 140 e até ao 155% do IPREM.	65 %
	Maior do 155 e até ao 170% do IPREM.	50%

b) Ingresos familiares:

Valorarase o conxunto de ingresos percibidos por cada unha das persoas que constitúen a unidade familiar de convivencia, teñan ou non relación de parentesco entre si, e procedentes de retribucións, pensións, subsidios, prestacións, salarios ou rendas regulares e/ou irregulares de calquera natureza.

Terase en conta os ingresos brutos, base imponible neta da declaración do IRPF presentada o ano inmediatamente anterior, o a que a constituiría se non existe a obriga de presentala.

Todas aquelas familias que, superando a contía establecida, aleguen especiais dificultades derivadas de situación de enfermidade, de ser familia numerosa ou terse producido un parto múltiple no derradeiro ano, de gastos extraordinarios por diversos motivos, de producirse infortunios familiares, etc., teranse en consideración estas circunstancias, podendo ser concedida un subvención con carácter extraordinario na contía que se determine.

c) Capital mobiliario:

Entenderanse medios económicos suficientes no que respecta aos recursos procedentes do capital mobiliario e para a valoración da concesión das presentes axudas, os que superen os 6.000 euros en contas de aforros e/ou investimentos de toda a unidade familiar (tomarase o saldo medio do exercicio inmediatamente anterior recollido na certificación bancaria a 31/12/dese exercicio).

Todas aquelas familias que superen este saldo bancario, aínda que reúnan o resto dos requisitos, non poderán beneficiarse destas axudas, agás casos de especial gravidade que se valorarán.

Axudas económicas destinadas o pago de Taxas Municipais (auga, saneamento e lixo) e prezos públicos.

1.-Definición e finalidade das subvencións:

Estas subvencións van destinadas a cubrir os gastos dos recibos de todo o ano de auga, saneamento e lixo para persoas e/ou familias en situación de desemprego ou pensionistas mínimos que, polas súas condicións socioeconómicas, se vexa necesaria a concesión desta subvención apoiando así a aquelas persoas e/ou familias en situación económica máis desfavorecida.

2.-Tipoloxía, contía e forma de pago das subvencións:

Existen as seguintes tipoloxías de subvencións:

<i>Tipoloxía da Axuda</i>	<i>Máxima contía a subvencionar</i>
<i>Subvención para o pago da auga e saneamento</i>	<i>contía vixente</i>
<i>Subvencións para o pago do lixo (recollida 1 día)</i>	<i>contía vixente</i>
<i>Subvencións para o pago do lixo (recollida 2 días)</i>	<i>contía vixente</i>
<i>Subvencións para o pago do lixo (recollida 3 ou máis días)</i>	<i>contía vixente</i>

3.-Requisitos de acceso específicos a esta modalidade de subvención:

A maiores do cumprimento do apartado IV) das presentes bases reguladoras que trata sobre as condicións xerais de acceso a este programa municipal, para solicitar esta modalidade de subvención, os/as solicitantes deberán cumprimentar os seguintes requisitos:

- a) Estar en situación de desemprego no intre da solicitude ou ser pensionista por calquera modalidade, ou ben alegar situación de carencia de recursos económicos.
- b) Ser titular dos recibos de impostos municipais obxecto da subvención (auga, saneamento e recollida de lixo).
- c) Non dispor na unidade familiar de máis de un vehículo, calquera que sexa o seu titular.
- d) A solicitude, debidamente cumprimentada, deberá acompañarse de fotocopias compulsadas dos recibos pagados.
- e) Que se cumpran todos os requisitos económicos recollidos no apartado seguinte.

b) Ingresos familiares:

Valorarase o conxunto de ingresos percibidos por cada unha das persoas que constitúen a unidade familiar de convivencia, teñan ou non relación de parentesco entre si, e procedentes de retribucións, pensións, subsidios, prestacións, salarios ou rendas regulares e/ou irregulares de calquera natureza.

Terase en conta os ingresos brutos, base imponible neta da declaración do IRPF presentada o ano inmediatamente anterior, o a que a constituiría se non existe a obriga de presentala.

Todas aquelas familias que, superando a contía establecida, aleguen especiais dificultades derivadas de situación de enfermidade, de ser familia numerosa ou terse producido un parto múltiple no derradeiro ano, de gastos extraordinarios por diversos motivos, de producirse infortunios familiares, etc., teranse en consideración estas circunstancias, podendo ser concedida un subvención con carácter extraordinario na contía que se determine.

c) Capital mobiliario:

Entenderanse medios económicos suficientes no que respecta aos recursos procedentes do capital mobiliario e para a valoración da concesión das presentes axudas, os que superen os 6.000 euros en contas de aforros e/ou investimentos de toda a unidade familiar (tomarase o saldo medio do exercicio inmediatamente anterior recollido na certificación bancaria a 31/12/dese exercicio).

Todas aquelas familias que superen este saldo bancario, aínda que reúnan o resto dos requisitos, non poderán beneficiarse destas axudas, agás casos de especial gravidade que se valorarán.

XIII) VIXENCIA DAS BASES

Estas bases terán carácter indefinido ata a súa modificación expresa entrando en vigor o día seguinte da publicación no Boletín Oficial da Provincia.

XIV CONTÍA DAS AXUDAS

A aplicación presupostaria prevista para este tipo de axudas é a 231.48000 denominada "Axudas sociais e subvencións de integración social, etc", dotada cun importe de 25.575,00.-euros, e financiada con ingresos correntes municipais dos capítulos 1 a 5 do Presuposto de Ingresos e con aportacións da Deputación provincial. As axudas previstas neste anexo, concederánselle ata cubrir o importe máximo previsto orzamentariamente, dando prioridade, se fose necesario por execución presupostaria, a aquelas axudas que fosen destinadas a cobertura das necesidades básicas.

XV) APLICACIÓN SUPLETORIA

Para o non previsto nestas bases estarase ao establecido na Lei 38/2003, de 17 de novembro, Xeral de Subvencións (BOE núm. 276 de 18.11.2006), lei 30/92, de 26 de novembro, de Réxime Xurídico das administracións públicas e do procedemento administrativo común, e ás bases de execución do orzamento.

NOTA: No exercicio 2020 aumentouse a dotación desta partida en 22.811,36€ como consecuencia da subvención concedida pola Deputación Provincial con cargo ao programa POS + Adicional 1/2020, destinada a atender gastos sociais extraordinarios derivados do COVID 19 no exercicio 2020.

